

道光三年重修

全生
經閣藏板

尊經閣藏板

進賢縣舊為南昌重鎮晉太康唐武德



俱經置縣旌置於廢自宋宗六
縣始相沿至今昔漢灌陰

過於此宋末之師攻豫章都統

進賢之龍馬坪至今遺蹟猶有

東南之藩蔽閩浙之門戶也
嶠諸山

自南來峰岳綿亘
進境嶺呀勃開

水經進由涵沅演迤數百里以達於湖山水
竅雄秀又嘗四達之衝物阜人夥省門
以東屬縣多與為大唐宗間人文輩出
前明舒文節張正野熊壇石誌公繼起功
名氣節彪炳史策風俗彬々與鄰魯同
矣我

國家以文治天下山陬海澨固不嚮風史臣
方修一統志大憲曰之各脩省志斯乃

學士大夫所以潤色鴻業也而進以山水輿
區技輿靈湫之氣積久彌盛則鋪陳盛
美表揚風烈固官斯土者不可辭之責
矣余以嘉慶庚辰承乏茲邑越道光至
午奉各上憲命重脩邑志而舊志脩於
康熙初迄今百數十餘年板本漫漶不
可辨乃復求得乾隆庚子羅維志抄本
曰禮請長沙太史賀君蔗農主其事

相與慶凡起例徵文考獻五閱月而書成
賀君以史館才學精著述又曰邑士舉
人黃元善文逢瑞廩生周廷芝饒林林
萬林權生負張文賓等協心並力贊襄
其間則此書之足以信今傳後矣豈也
余以舊方膺繁劇之任常懼弗給然
一邑中山水之險夷田賦之多寡戶口
之增耗風俗之淳漓皆可按籍而稽是

故盈尺之籍數寸之圖不出戶庭而周知
四境進之民涵濡

聖化蒸蒸日上進於古余既樂斯民之安吾
社也而適值是書之成有可以佐余治者
是亦余之厚幸也夫

賜進士出身知南昌府進賢縣事涇川朱楫撰



進賢縣志敘
 昔漢蕭相國入關先收天下圖籍宋
 朱子知郡下車之始即詢罷邑志
 百務未遑而汲之以此為先務者何
 孝誠以志者山川道塗之廣狹郡
 國人民之增減紀綱風俗之上下於此
 焉著不披圖籍以握綱維無以周知其

進賢縣志敘

昔漢蕭相國入關先收天下圖籍宋
 朱子知郡下車之始即詢罷邑志
 百務未遑而汲之以此為先務者何
 孝誠以志者山川道塗之廣狹郡
 國人民之增減紀綱風俗之上下於此
 焉著不披圖籍以握綱維無以周知其

收而為張弛之本也進賢之有志如於
前明成化之孫志繼生則以正德之談志
揚志嘉靖之萬志崇禎之陳志然皆
不傳今所存者惟

奉朝康熙之聶志乾隆時脩而未成
之羅志耳大令朱君翰坪履任之三載
深思年代濶遠文獻無稽迺搜采散

佚屬志於余之惟遙賢稱南昌壯邑地
大物博其山川則三台九曲拱衛而環
遶也其人物則臧子真戴潤州之所激
游伯起子中包實夫舒文節熊壇
石諸公之所鍾靈而毓秀也其戶口則
昔實而今衆田畝則昔蕪而今闢
賦役則昔繁而今省吏治民風則猶

熙之然往古之遺也而數十年中潛光
隱煥伏而未曜將欲網羅散失表泐
闡幽深彬灑隨筆能為後所幸是
中賢士徵裁籍考前闕謬者訂之
闕者補之相與攷之校讐贊義成之
余或可藉手以告無過也乎夫舊唐
書人議其煩新唐書後譏其簡則

甚矣著作之難也劉義仲摘歐陽公
五代史之謬誤為什認一書以示東坡
坡云往歲歐公著此書初成第公謂余
盍脩三國志余所以不敢嘗者正畏如
公之徒掇拾於其後耳余繼前人之後
踵而述之豈敢云無寘陋之契以貽嘗
代之譏而其兢之可自信者則不敢略

徇依託以求當於三代直道之公舉要
芟繁以期有補於政治風教之久如是
而已昔道光三年歲在癸未季春

賜進士及第翰林院編脩 國史館纂
修 記名御史庚辰會試同考官 辛
巳順天鄉試同考官 善化賀熙齡撰
并書

凡例

一志中遇有當抬頭處謹遵

內廷三館定例另行頂格其在按語中者亦另行並抬不更出
格以符體制

一進賢志前明五次經修之本均不可見

本朝康熙聶志復板本漫漶故此次所修自乾隆庚子以前均
以羅志抄本爲底稿至于發凡起例閒有改訂增輯要求位置
得宜非敢唐突前人也

志之首沿革也或古今殊地而同名或前後稱名之互異分合
移徙廢置不常故志惟沿革最難亦惟沿革最要沿革定而後

山川人物乃可按次而稽矣今之南昌非春秋之豫章唐寶應之鍾陵非今之進賢舊志沿革未能明晰故此全行更訂

一星土分野之說不專乎天文在周禮保章氏以星土辨九州之地數語已晰由班固而下史家天文地理兩志雖彼此互有詳略然志地者不能去星野也今次星野于沿革取范成大吳郡志之例

一舊志無兵防詩言公劉荒幽居而曰其軍三單言古公立冢土而曰戎醜攸行蓋安不忘危之意也故于建置中增兵防一目

一學校王政之本也縣學由宋以來于今爲烈故特詳其制不

統歸建置

一選舉採訪冊凡舊志所無者附入舊志補遺以示疑以存疑之意其年代無稽者不錄

一鍾陵置縣至宋始定自宋崇寧以前統隸南昌人物雖盛舉無從分核非地之不靈也

一人物名宦必俟論定始登現存者不錄以避諛濫之譏

一列女年例相符無論存歿及已未

旌表一概登錄其或年例稍有未符而冰雪之操可以共信者亦附錄于後

一序記各文從舊志之例均以類附載各門中庶一展卷而源

委了然羅志藝文所錄舒文節陳吉所傳寄菴廷對三策敷陳
剴切亦附載本傳後詩則仍羅志之例另編藝文舊序乃本志
源流故全行編載

一聶志編寺觀於典祀編列女子人物羅志辨之當矣然人物
列以仙釋又何以立同異之防茲以寺觀仙釋併列襍識外之
也

縣境圖總畧

謹按進邑幅員廣袤計程各百五十里地勢南高北下爲
鄉者五爲隅者六都三十有三圖二百三十有八外與七
縣接壤東接餘干東南東鄉南接臨川西南豐城西接南
昌西北新建北通鄱陽湖漢邑之東爲撫建廣饒驛路西
爲省會通衢西北有青嵐湖東北有軍山湖兩湖之水同
滙金溪湖北流至鄱湖則與饒信撫三河交會矣縣治廣
五里直三里東南九曲水由丹鳳橋灌入城內轉出青龍
橋北入青嵐湖學宮大殿兩廡并櫺星門等處均於道光
二年改移戊辰兼乾巽向其餘各詳志乘茲不具述云

縣治圖



傅希賢繪
傅春廷刊





儒學圖

通賢集

卷首

三

傅希賢繪
傅春廷刊



通賢集

卷首

圖

四

進賢縣志纂修姓氏

主修

賜進士出身江西南昌府進賢縣知縣朱 楣 鞠安 安徽涇縣人

總修

賜進士出身翰林院編修 國史館纂修 記名御史賀熙齡

蔗農 湖南善化人

校閱

進賢縣教諭

蕭平章 睦 江西廬陵人

進賢縣訓導

李 道 敬 江西萍鄉人

分纂

舉人

黃元善

葆田三十都人

文逢瑞

雲五二十二都人

廩生

周廷芝

秀三三十三都人

饒林森

壽東三十八都人

萬叔權

亮心十五都人

孝廉方正

張文賓

台山六都人

採訪

城內

吳賓

宋夢熊

何英度

胡日蕙

楊灝

胡日華

吳蔚奎

饒昌期

黃其倬

一都

支家綸

許樹德

宋椿榮

二都

吳之銓

王猷

張馭遠

三都

熊喬遷

熊鳴鳳

梅顯

胥溥

四都

李歲發

胡琢

五都

朱以伸

舒芹藻

六都

傅用賓

胡崑

七都

方正

傅基緒

八都

黃時茂

陳家修

黃梅

吳淳

九都

王芳燦

陶漢金

陶澄

十都

李友槐

萬世溶

傅步巖

十一都

徐光甫

徐東作

十二都

楊和鈴

陳觀化

吳德駒

十三四都

胡其振

艾映河

向道

十五都

傅崙

萬達權

吳士傑

十六都

夏克勤

胡定

羅英俊

十七都

劉心益

李光中

十八都

朱焜

胡肇基

二十二都

胡中清

胡廷鑑

雷劍

于肇煌

二十三都

胡元煥

焦培元

鄔步遷

二十四五都

楊樹藩

黃大鯤

二十六都

樊師益

二十七都

熊均寶

舒雲錦

二十八都

舒濤

舒震

樊連城

樊恭誦

二十九都

胡波淵

陶德彰

三十都

張學謙

胡起鋌

三十一二都

舒瑛杰

胡基

三十三都 周維楨 楊洪瀚 周汝起

三十四都 梁祥 趙家璧

三十五都 鞠丙煌 饒景福

三十六都 胡應奎 饒淳

三十七都 齊鈞 章淳

三十八都 朱溶 章大成 徐卓先

三十九都 謝世傑 黃大鵬

四十都 謝世傑 謝世傑

四十一都 謝世傑 謝世傑

四十二都 謝世傑 謝世傑

進賢縣志目錄

卷首

叙例圖

卷一

輿地 沿革 星野 疆域 形勝

卷二

輿地 山川 坊都 街市 風俗 物產

卷三

建置 城池 官署 公所

卷四



建置

倉廩

卷五

建置

水利

兵防

津梁

郵遞

卷六

賦役

恩諭

戶口

卷七

賦役

田賦

卷八

賦役

田賦

雜課

雜稅

鹽法

卷九

賦役

浮糧始末

卷十

學校

學制

書院

卷十一

典祀

文廟

卷十二

典祀

壇廟

卷十三

職官

卷十四

選舉 薦辟 進士 舉人

卷十五

選舉 諸貢 例仕 掾考 武科 武職附 封贈 恩蔭 鄉賓

卷十六

循吏

卷十七

人物 良臣

卷十八

人物 良臣 儒林 忠節

卷十九

人物 篤行 文苑 武畧 高士 義行附五世 寓賢 方技

卷二十

列女 節婦

卷二十一

列女 節婦 貞女 孝婦 孝女 賢媛 附五世同堂 百歲

卷二十二

雜識 禩祥 兵革 古蹟 坊表

卷二十三

雜識 瑩墓 寺觀 仙釋附

卷二十四

卷二十五

藝文 詩

卷二十二

卷二十一

卷二十

進賢縣志卷一

輿地

進賢置縣肇於晉而成於宋地勢東寬而西狹上接臨汝下通彭蠡邨落湖山星羅碁布物產饒裕風氣樸淳斯亦東南之樂土矣或曰進賢以澹臺名或曰以棲賢山名往哲之流風餘韻猶有存者記稱山川特秀人尚清淨不虛也志輿地二卷凡沿革星野疆域形勝山川坊都街市風俗物產悉隸焉



輿地 沿革 星野 疆域 形勝

沿革

虞夏古揚州域

淮海惟揚州

禹貢

禹貢揚州之域

元和郡縣志

商揚州域

江南曰揚州注此蓋殷制

爾雅

周揚州域

東南曰揚州

周禮職方氏

洪州春秋戰國時並屬楚

通典

按舊志沿革溯源於春秋之豫章今攷能改齋漫錄云豫章之名在江北者有其地而非郡在江南者建郡而非春

秋之時顧景范方輿紀要云古豫章大抵在江漢之北左傳昭六年楚伐吳師於豫章次於乾谿十三年楚師自徐吳人敗之豫章二十四年楚子爲舟師以略吳疆越大夫胥犴勞王於豫章之汭三十一年吳圍弦楚救弦及豫章吳師還定二年楚人伐吳師於豫章吳人見舟於豫章而潛師於巢以敗楚師於豫章遂圍巢克之四年吳人舍舟於淮汭而自豫章與楚夾漢杜預曰豫章當在江北淮南柏舉之役豫章又似在漢東江北豈自昔由江漢之間以達於淮豫章實爲要害而今不可考歟又按乾谿在今江南亳州徐在泗州弦在光州則豫章當在近淮之光州壽

州之間與漢之豫章全不相蒙者也南昌府志曰談說義理後人容有勝前人者若推驗地形考論名義後人必不若前人之審今反覆諸家之議論推求當日情勢益嘆杜註爲不可易彼酈道元之註水經裴駟張守節之註史記稱引豫章皆謬說也

秦九江郡地

始皇二十六年分天下爲三十六郡註九江郡其一也

史記秦始皇本記

皇本記

洪州秦爲九江郡

太平寰宇記

漢揚州豫章郡南昌縣地

豫章郡註屬揚州

漢書地理志

漢改九江爲淮南國而分置豫章郡吳芮王長沙兼得其地
通典

高帝分置豫章郡景帝初入於漢領南昌等縣十八

方輿紀要

進賢縣本漢南昌縣東境

寰宇通志

按漢書高帝紀四年立黥布爲淮南王布傳豫章屬焉又高帝紀五年以長沙豫章等郡立番君芮爲長沙王紀傳不同其後先分割之故不可考

大清一統志

據漢紀景帝初議削吳豫章會稽郡則豫章吳地或曰南境屬長沙也

方輿紀要

新莽九江郡宜善地

豫章郡註莽曰九江南昌註莽曰宜善 漢書

東漢揚州豫章郡南昌縣地

豫章郡二十一城南昌右揚州刺史部 後漢郡國志

三國吳揚州豫章郡南昌縣地

吳揚州治建業領郡十三曰豫章故郡也 方輿紀要

晉太康初析南昌置鍾陵縣隸揚州豫章郡尋省入南昌後屬

江州

豫章郡統縣十六南昌鍾陵 晉書志

晉初隸揚州元康元年分揚荆二州地置江州治豫章後治

武昌咸康中移治潯陽 大清一統志

按鍾陵置縣 大清一統志方輿紀要江西通志乾隆府

志俱斷自晉始輿地廣記云建安中孫權據吳析南昌地

置富城鍾陵宜豐三縣康熙聶志云孫權析南昌地置富

城鍾陵宜豐三鎮而鍾陵鎮立於大茅渡今治所也後升

為鍾陵縣晉武帝時縣廢太康元年乃復升鎮為縣二說

皆以為吳置年代濶遠紀載異辭疑以存疑可也惟按吳

主皓庚子三月降晉收其圖籍克州四郡四十三即在武

帝太康元年舊志割一年一人為兩代則載筆者之誤也

宋齊江州豫章郡南昌縣地

宋豫章太守隸江州領縣十二

宋書州郡志

宋齊以後并為豫章郡

太平寰宇記

梁陳復置鍾陵縣隸江州豫章郡

梁陳時復置南史梁武帝擢郭祖深為豫章鍾陵令又陳武

帝封從子褒為鍾陵縣侯是也

大清一統志

梁大寶元年以豫章置豫州太平元年分江州之巴山臨川

安城豫章四郡置高州旋廢二年又移江州治豫章

大清一統志

按此則豫章曾隸高州矣以為時甚暫故不更分列

隋省入豫章縣隸洪州後隸豫章郡

隋時縣廢

大清一統志

隋平陳改南昌為豫章縣以郡名邑

太平寰宇記

隋平陳罷郡為洪州煬帝初廢州又為豫章郡

太平寰宇記

唐武德五年復置鍾陵縣屬洪州八年省入豫章縣後為南昌

縣地屬江南西道

武德五年析豫章置鍾陵縣又置南昌縣八年省南昌鍾陵

唐書註

武德五年平林士宏置洪州總管府天寶元年改為豫章郡

乾元元年復為洪州

太平寰宇記

唐寶應元年改豫章縣為鍾陵因山為名貞元中又改曰南

昌

太平寰宇記

寶應元年避代宗諱改豫章曰鍾陵貞元中又改曰南昌興
地廣記

貞觀初屬江南道開元二十二年分爲江南西道治洪州
皇輿表

五代吳洪州南昌縣地南唐南昌府南昌縣地屬鎮南軍

洪州五代時初屬揚吳後屬南唐 皇輿表

南唐交泰二年十一月改洪州爲南昌府建南都領縣七 十

國春秋地理表

洪州鎮南軍唐置吳南唐因之 十國春秋

宋改置進賢鎮崇寧二年升爲縣隸江南西路隆興府

崇寧二年分南昌四鄉新建二鄉合本鎮改爲縣仍曰進賢

宋朝會要

宋崇寧二年從郡守張綬請升鎮爲縣而割南昌歸仁崇禮

崇信真隱四鄉及新建玉溪東西二鄉置縣大觀二年復返

新建二鄉而割南昌欽風鄉益之 聶志

宋屬江南路天聖中亦分爲江南西路治洪州 方輿紀要

宋初復曰洪州隆興三年升隆興府 皇輿表

按方輿紀要云唐武德八年廢爲進賢鎮聶志云晉太康
七年復爲進賢鎮而進賢之名始立據 大清一統志云

宋改置進賢鎮今因之

元進賢縣隸江西等處行中書省龍興路

至元十四年置江西等處行中書省

皇輿表

至元十四年改府為路二十一年改曰龍興路

方輿紀要

明進賢縣隸江西布政使司南昌府

洪武九年改行中書省為承宣布政使司

明史

明初壬寅年正月為洪都府癸卯年八月改南昌府領州一

縣七進賢府東南

明史

國朝進賢縣隸江西布政使司南昌府領鄉五編戶一百九十八里

南昌府領州一縣七進賢府東南一百一十里

志

大清一統

雍正九年以督糧道領轄南昌撫州建昌三府為督糧兼巡

南撫建道

江西通志

或曰省城有進賢門相傳澹臺滅明南遊從此門進此進賢

義或曰縣東有棲賢山故名

郡縣釋名

星野

二十八舍主十二州斗秉兼之所從來久矣吳楚之疆候在熒

惑占於烏衡

史記天官書

吳地斗分埜也今之會稽九江丹陽豫章廬江廣陵六安臨淮

郡盡吳分也

漢書地理志

豫章入斗十度又曰南斗之第四星主豫章

晉書天文志

北方南斗六星南星者魁星也北星杓也石申曰魁第一主吳
二會稽三丹陽四豫章五廬江六九江宋史天文志

玉衡第六星主揚州常以五巳日候之乙巳為豫章辛巳為丹
陽己巳為廬江丁巳為吳郡會稽癸巳為九江凡六郡星經

豫章入斗十度鄭樵通志

南昌瑞州饒州臨江袁州廣信撫州建昌贛州南安禹貢揚州
域星紀斗分清類天文分野書

南昌饒州廣信南康建昌撫州臨江吉安瑞州袁州贛州南安
天文斗分野明一統志

晉張華雷煥見斗牛間紫氣求之得寶劍於豐城故王子安滕

王閣詩序云物華天寶龍光射斗牛之墟吳分也又云星分翼

軫地接衡廬玉海云天關翼軫之疆地振江湖之國則以其近

於楚分也而或者以子安為誤誤矣於次為星紀為鶉尾郭子章豫

章書

豫章之地春秋時以為楚之東境據天文則吳之分野涂廡續豫章記

按史記楚世家昭王十二年吳伐楚取番正義括地志云饒

州鄱陽縣春秋時為楚東境秦為番縣是則江西郡縣春秋

二百年本屬楚至魯定公時始為吳有耳江西通志

一統志豫章十三郡皆禹貢揚州之域而九江南康則地兼乎

荆天文斗分野而九江則宿兼乎牛考牛宿本位居丑之次為

吳越揚州之分六星凡七度此王勃所謂斗牛之墟者乎然斗二十五度所分野之地週數千餘里躔度次舍宜有確然不爽者考之天文諸書以及各郡舊志類皆沿習異同不能分晰各度乃蒐求遺書獲殘卷一帙二十八宿分野之圖說僅存云斗六星二十五度爲吳之分野南昌入斗八度饒州廣信同居七度瑞州三度建昌五度撫州六度吉安九度贛州十二度南康臨江袁州南安俱斗四度九江則入牛五度雖分郡甚晰然與九江入斗一度豫章入斗十度從前諸家又相逕庭矣豈氣數遷移古今懸隔不相符合一至此乎

江西志論

天文圖斗六星二十五度吳之分野南昌與焉則豫章主斗無

疑矣以豫章近婺州專應牛宿者臆說也

章兆瑞辨

長沙東過左轄中有進賢星今長沙去此不遠而婺州長沙皆星立名則進賢以星名無可疑也

聶志

疆域

縣治在府東南一百二十里廣一百三十里袤一百四十里

府志

東至餘干縣治一百四十里而潤溪爲之界東六十里西八十里

西至南昌縣治一百二十里而荏港爲之界東六十里西六十里

南至臨川縣治九十里而界牌鋪爲之界南五十里北四十里

北至鄱湖中梅溪汎饒州府餘干縣界一百五十里而蚌湖爲之界北十五里南一百三十五里

採訪冊

東南至東鄉縣治九十里而野塘爲之界東南五十里西北四十里

西南至豐城縣治一百四十五里而平湖寺爲之界東北九十五里西南五十里

東北至餘干縣瑞洪一百二十里

西北至新建縣趙家圩一百四十里

以上聶志

西北大路自縣由雲橋鋪六十里至荏港街南昌縣交界東陸

大路自縣由牌坊下四十八里至野塘撫州府東鄉縣界東南

陸大路自縣四十五里至禮坊村撫州府臨川縣界小陸路自縣至棗樹鋪分路往東北四十里至潤陂鎮饒州府餘干縣界

一自縣往西四十七里至三江口豐城縣界

府志

一水路自縣北師過橋至傅家渡上向東至程家橋 又自傅

家渡下向西至托固橋 又自傅家渡沿徐家渡下向西北歷

迴峯谷岐折南過西淙渡向東南至羅溪 又自徐家渡向西

北歷太平渡分西南至渡頭分西北至幽蘭塘 又自太平渡

向東北歷新墟渡由北岸小港西北過松林渡至涇口向西至

柘林折而南至武沙港謝埠武陽渡荏港溫家圳三江口李家

渡等處 又自涇口下白沙湖向西北至八字腦西至楊家灘合徐汭達於省城若水落則不可行 採訪冊

一水路自縣北師過橋至英山下新墟渡向東北至南溟寺分東往趙家鋪分東南往前坊新墟 又自新墟渡向東北歷神浦至三陽折東南入軍山湖汭至中結渡洪源池溪南臺梅莊等處 又自三陽歷蘆溇合軍山湖水至鄱口折西北出金谿湖金谿湖分右合信河達瑞洪向西北至鄱陽湖中梅溪汎向北至鄱陽湖中康郎山向東北至表岸向正北至團轉俱合饒河金谿分左合撫河向南折西過烏龜砦至趙家圩向西南至徐汭歷稠口向西折南至七里街以達於省城若水落不通舟

則由梅溪向西過喻坊砦折而南合省河達於省城 採訪冊

一水路自縣東丹鳳橋至常湖分南二十餘里至壽山橋分東四十餘里至涂坊港若水落則不可行 採訪冊

按舊志萬浩曰進之路視昔五加其二蓋東鄉未立距安仁一百七十里宦遊者率從舟也自有東鄉多自安仁起陸是進賢加一路矣其距豐城經涉九渡原非通衢故沿途不設遞鋪以此也奈近日士大夫避省城之人事公差牌票畏司院之查革迂道紛至是進賢又加一路矣斯語進賢衝疲實錄也述以告四方君子 聶志

形勝

楚之東境吳之西境

唐元和郡縣志

水陸四通山川特秀

宋雷次宗豫章記

東南山如青黛稻田萬頃翠綠相際水流其間小舟沿遡上下元包希魯記

奇峯繞郭泉流清瀉映帶縈曲且彭蠡之巨浸在焉

元熊釗序

進賢為豫章壯邑延袤凡數百里

明王一夔序

北湖澄淵縹山砥柱洞陽蕩其西瑞洪浸其東

明萬恭形勝說

閩越交通撫饒錯界

府志形勝說

九曲縈流三台屹立

舊志圖記

上接臨汝之區下通彭蠡之滙九曲之流繞其前羣山之勝擁

其後

舊志

按進賢地脈從五嶺迤杉關與閩分水迤為瀘溪金谿東鄉入界起雄嵐峯至仙壇嶺西行由榭山麻山高宗嶺入城南白馬廟少駐東分為儒學西迤至壇石山為縣治兩支交會此其大勢也東南一支過香爐峯折西北至於三陽又東過仙壇大石至於鄔子西南一支由蘆崗嶺分流嶺銅嶺西為泉嶺西北為漸嶺止武陽渡北為羅嶺喻家嶺漸嶺之脈又西經土坊過南邑之郭上竹林萬坊入進賢境北渡水衍為白沙東北至宋家山渡大河為二十九都轉向南逆行為二十八都二十七都至畚上止面三陽以受諸水之委又分一支為青山臨三陽河則

撫河西河之水畢聚而饒信二水亦環抱矣

聶志

西鄉界岡朱坊雪山等處在撫河之西其與邑治之龍自五嶺卽分其脈與郡龍同祖從五嶺迤樂安崇仁入豐城起羅山厯

楮山至進賢帳幕嶺入省而白湖嶺鶴仙峯之分脈咸共焉

聶志

流嶺羅嶺泉嶺漸嶺等處西行一脈之餘也雄峯仙壇東行如

香爐山捉牛岡鳳嶺東關盡大石橋爲縣左護如超岡嶺北嶺

英山三陽鄔子處所東行一脈之餘也

聶志

進賢之水以三陽爲經九曲羅溪池陂爲緯而鄱陽湖則其統
滙也軍山湖一曰南陽在縣之東北師古嶺之鍾陵水香爐峯
之池陂水北流過日月湖自東南來注之青嵐湖一曰洞陽在

縣之西北流嶺之清溪水自西南來注之九曲常湖合香爐峯
之通濟港水榭山之院澤長樂優遊看源諸水自東南來注之
白沙湖一曰武陽在青嵐之西南三十都之水所滙而汝水之
浸也南陽洞陽武陽合流於二十七都之南故其地名曰三陽
由此下合撫水入東鄱湖又至康山始合樵舍昌邑之水會西
鄱湖此進賢水勢之大凡也

按舊志以鍾陵水滙於青嵐湖通濟港水滙於洪源湖誤又
云軍山一曰陽方按縣北別有陽方湖南陽爲三陽之一而
池陂港一名南陽水北滙於軍山湖則軍山卽南陽也

而與漢競爰太宗之行仁義兮其致治幾乎三王之盛乃文章不能反五代之餘習後百有餘年韓柳之徒出而始更於正陳聲詩以試士兮煥同文之律令胡李杜之聖兮曾不得緣是以爲進戴公起於貞元之季兮奴騷壇而主盟刺撫饒多異政兮狎魚鳥以怡性家東湖而來止兮號棲賢以志美羌紛紜之耒耜兮惟達人專有此山水信青溪碧澗之不改兮流終古而勿滓擷天台之靈根兮雜烏藥與梔子招靈修而徙倚兮莽荒荒兮故址傍祗園而隨喜兮詫金剛之如巋悲正學之頽委兮曾不比乎釋氏明經堂之草芊芊兮寓閣杳不記其地挹武陵之高致兮配戴公而干祀自古廢興之理如此兮又何有於一坊之永峙貌榮名以留勝兮徒彳亍於石磴當比興之克切兮痛六經之汶汶續尼山之刪定兮振聾瞶而使醒嗣仙令之披徑兮綴八景以遊詠聚學徒而圓聽兮驅臭腐之餽飭借文字之憑倩抒義理之精蘊噫吁嚱戴公黃公五百有餘歲氣相求聲相應樹來賢之考鏡想遺範於今評世豈無抱復古之豪興吐反經之積憤毅然修舉蕪者平之穢者屏之一旦崇墉邃宇長廊大廷徇然清淨生徒烝烝慢者敬頑者訂過者與諍疑者與證朗朗乎聖道之中天而經學之炤耀於億萬年後人得而頌之曰三賢庶此方之有慶乎

楊梅山 縣東五十里在十三四都山阻深易藪盜

鑠山 縣東八十五里在二十都出鐵今隸東鄉縣

巖前山 縣東南七十里在十八都十九都交界其巖一若獅

一若象

三臺山 儒學面對在縣治東南五十里三山蜿蜒相連而中

峯特峻一曰鸞臺一曰鳳臺一曰鶴臺遠瞰常湖九曲鴛鴦特

秀波光漣漪土人呼為筆架山故人謂學宮得山川之助云

華蓋山 縣治南儒學後

臧山 縣治南城外在六都以臧嘉猷隱居於此故名今為崇

真觀是山之木隆冬不凋

真如山 縣南文明門外一里在六都

麻山 縣南二十里在四都上有麻姑壇豫章志云晉王郭二

仙憩息之地後包真人飛昇於此山上有龍井禱雨輒應天順

間建飛昇亭

雲山 縣南五十里在四都

榭山 縣南四十里在十二都以上多榭木名一名龍巢榭皮

可為紙

何嘉山 縣西南以宋令張嘉謀有德政去任民攀留之因以

子贊何氏居此名

金山 縣西南四十里在三都與臨川接界以昔產金名下有

通賢縣志 卷二 三
淘金井

鐘山 縣西南五十里二山臨水破裂本名上下破山相傳元大德間漁人入水得古鐘十二僉事高賓改今名

烏石山 邑治西在壇石山左多巨石其色皆墨

港南山 縣西十里其山平夷旁卽驛路東接雲橋西通羅溪覆盃山 縣西四十里以形如覆盃名一名福楹

漸嶺山 縣西五十里在三十七都山有石壁俗呼石倉又有石如鎖貫石竅中搖不可脫宋時於此置驛更三十里爲武陽渡乃漸山盡處入南昌縣界

英山 縣西北二十里在下八都臨青嵐湖係通邑水口相傳唐葛潘三仙姑於此飛昇上有仙井

緜山 縣西北六十里在青嵐湖中四周皆水砥柱中流爲縣治水口

捍城山 縣西北四十里

北山 邑治北七十里在二十七八九都濱彭蠡四周皆水與天無際其土平衍自軍山湖北望之則隆隆若山然利耕作居民常千餘戶元伯顏子中隱於此

熊大司馬明遇北山表勝記

北山當鍾陵迤北本大澤鄉川泆徑復滔淡何哉有所謂山者蓋天地成而聚於高歸物於下川以導氣澤以鍾美每能

產化嘉材夫固彭蠡西南隅之平壤也凡諸平壤濱蠡者皆夷隰似砥灌莽蕩漾廓倘而虛第用白圭堤捍之法障外浸不入歲登宜稻歲不登一望蒼煙白葦而已北山之壤雖平而岸廻鬱映樹龍蓂蔽翳墟里相接高下阻修長薄羅絡坻阜蜿蜒浦澈交輸灌溉宣瀉豈區區魁陵夷陸陪阿煩壤所敢望臨深爲高山所由名乎而支渠涇汜藪汚午貫河壩多張味勢不能堤捍外浸然田半屬隆阜亦無須堤捍也幅員廣運徑以十餘里計圍以三十里計而我朝二百七十年以來辟召入館翰一人中禮官甲科十五人南宮鄉薦十二人而旣家絃戶誦矣水草之湄戴茅蒲遊牝牡講眾畱登川禽

以薪蒸可耕可牧可漁可樵可讀豈非秀靈上隩哉其地脈由東南之雄嵐峯而西行榭山麻山麻山之近者爲邑落復自麻山而西南至流嶺泉嶺皆臨川境泉嶺東北行至玉嶺而漸嶺爲之帳自土坊墪上竹林厚田揚坊渡水矣爲白沙皆東北行渺然一巨浸焉忽於北湖潏潏中崛起宋家山大可百畝地形家所爲蛛絲馬跡也過水重蟠支幹是爲北山則逆勢南行者十餘里如螭龍蜷蟻支幹自爲蕃衛東西南北皆汝水溝之三陽神浦爲朝山象隔水朱衣又振盡麻榭源來水二百里句已襟帶洞陽浸其西日月湖盪其東人民皆營度爽塏之場而聚托爲居凌跨駢羅甲第鼎鼎輕林茂

木映蔚相依吾熊聚族當冠首諸著姓若繡錯河環在外而
包納漚瀦在內處處可以浮船羣木秀長萋萋然其葉若苑
篠蕩娟娟亦蕭蕭其陰相傳有北山十景見於先達之詩予
亦有詠如青山古渡於平湖曲沱中突隆隆爲高崗厥土赤
墳登其巔四遠之丹崖碧浪可挹可凭先王父大司寇簡夫
公冢在青山之首焉冢後爲崗者三里饒戎菽木棉麻象之
種而諸樊祖冢當雷坊要脊竝稱吉土龍岐沙磧宛若遊龍
爲吳氏族居其上世所葬在涂婆崗稱雙魚拜冢爲父子甲
科之兆院脊回身顧祖宋山當龍之蟠旋昂準母夫人王安
焉後沙塍積高爲邏城登其上北望匡廬如垂雲康山南山

几山如點金岐李岐梅岐如抹勝國時帥辛敬築臺守望所
謂清果嘯臺也前後左右幽煙緬邈清潭沉沉漾舟入蔣菰
鷓鴣鳧扈鴛鷓鴣鴨接翼翔嬉霜鶴晨警朔雁秋歸號其數
千萬未已也鶴山丹井傳爲施勇悟真人修煉處亦昂邱於
湖之中而梧山與卓嘴擁之若玦湖名大王塘小王塘屬與
顏家山際吾上世祖邱也視其兆甚祥楓樹數株乃宋朝舊
植山以伯顏子中隱此得名汝河重遶在其北立干椒之司
於龍頭十景有龍山過艇卽此程埠更樓徐壽輝之亂吾家
伯幾先生及里人樊明仲團結義兵處寨址猶存梵寺長松
本梵葉寺樊氏盛時廢之爲屋今屋亦廢僅數株龍鱗矯矯

溜雨干霄而已大抵地在八九兩都者龍勢多北蟠至吾家
三里後則南裊鍾美毓秀收山水氣局之正西偏之劉家山
爲吾曾祖冢師公廟爲御史大夫祖冢稍西南則舒文節祖
冢與吾家孝廉祖冢皆相望而官橋草綠一景則密邇三陽
碧萋萬頃激灑一帶丰茸蕪蒼水陸通衢是御史大夫功德
也三橋鼎建卽在羅渡高楓病涉處關繕野涂沐之使無穢
堤之使無濫康之使無坎瀕湖之濫梁其出納之喙凡三所
密緻堅韌爾爾孽孽如虹飲水無梗行者予嚮也與樊中丞
潘方伯始議鳩僦語在津梁道路記中二公已不可作暨斗
湖之堤與北湖之橋當始終以河租之餘任繕治作堅牢界
有夷之行子孫保之豈目前塗飾是爲夫古者王政水地戒
潦甸人具徒川虞視澤梁畝人視洫遂水師監決塞雨畢除
道火見期於司里藪有圃草置有寓望皆周制也生於斯者
被天和食地德固宜隨分修六府三事之遺以輔相化育而
成嘉功山川之清淑者神明守之惟士君子能節宣其氣毋
使湫底沉癘彼耕鑿者庸次比耦芟刈蓬蒿之不給誰適任
度外事耶是在予與里中賢三老子弟也

北山十景

青山古渡

龍岐沙郭

青果嘯臺

鶴山丹井

龍山過艇

程埠更樓

梵寺長松

官橋草綠

羅渡高楓

三橋鼎建

熊明遇北山津梁道路記

北山名爲山其實以平原廣隰宛在水之中央地勢盤曲包九湖而自塞其兌信撫諸大浸滙洞陽洪塘而澤於蠡者復股引爲支河句已以帶之屬南進二境之界五里外必再問津迺得達傍津盡河塽地與草丰茸彌望青陸奈夏水羨溢衝岸埤塽地流寫則益刮除成空久湫大沉沉有漏注兼湖之置梁笏所深沛如屋雷向所謂再問津者今且阻四五津褰裳涉焉輒溺勢不得不爲長渡渡凡五里往來甚滯夜則

行旅荒莽無所依宿多爲伏戎所攻剽蓋馬塘羅渡至白沙湖是也又上下斗湖皆巨瀦湖喙爲河所嚙竟深廣蝕輓道而蘆溇渡五倍其長病涉與馬塘羅渡同百年父老有憂之計無所出會昭度潘公奉璽書爲屯嵯水利使者持廉布惠多發醵贖與原田河堤之役所在誦舞父老曰時哉不可失也熊子遂謀於同里中丞鍾 樊公指百金爲倡問山師伐石問段氏鑄罇率子弟控之潘公公上其事於撫軍石帆解公下其議於司理嘉錫李公下其事於邑侯石雲王公屬監護之馨鼓於高廣文日昇斥嵯羨二百五十金又屬邑侯清本鄉漁利銀贊是役於是熊子偕樊中丞舉里中有識長者

敦敏文學經其事俾其爲大橋三橋高廣丈尺有咫下可通
百石之舟而上可連騎小橋三高廣半大橋購浮食奇民輦
土塞漏注凡七處爲路堤十里繕舊五里鼎新六里計費視
諸橋約五百金而工粗具作始於初秋比定星昏覲南正竟
報成事向之擿填索塗車輪馬殆半日而問一津今瞬息徑
彼岸真若從枕席上過矣是誰之功哉夫東里以小惠遺譏
謂其有悅衆心驩虞如也卽斧斷若西門豈不去後見思如
當時驚民之怨何今茲之役慮始樂成民皆繇之而不知倘
亦得太上之因無夏革之迹爲政者固爲之而不宰耶雖然
民可不知也士君子不可不知也熊子於是效黍苗之歌召

伯者若曰北山四輪原隰昫昫其土填壤其水肥仁維水之
謙東鹵湖垠深淘者潭淺包者濬九派滔陸迷牛之津濟川
作楫三日公旬妥若安裘獲若麋駿醪茲朝潔澤於靈春滌
此沉沛河公不瞋俗有樂子路無憂民通德九軌結慈三因
大夫之功炳炳鱗鱗解公諱學龍別號石帆直隸興化人癸
丑進士潘公諱曾絃別號昭度浙江烏程人丙辰進士李公
諱嗣京別號嘉錫直隸興化人戊辰進士王公諱揚基別號
石雲直隸灤山人乙丑進士俱治世卿材高廣文日昇饒州
鄱陽人以明經開教屢登薦剡者領事文學則樊尚輝舒雲
吾家庭立大成也例得備書

附加增漁課事繇碑

南昌府進賢縣爲懇施仁政清課餘以繕湖鄉塘橋事案照該本縣儒學生員樊尚輝舒雲熊人定等具呈前事蒙欽差巡撫江西贊理軍務都察院右僉都御史解屯田水利鹽法兼分巡道左布政使潘批行南昌府理刑推官李本縣知縣王詳據蒙批漁課一項久爲市駟奸胥乾沒昨年始清覈在官已繕州都修圩之用一年矣以後如詳以七八九三年之銀抵北山工役至十年以後自宜聽北山自承課戶自備修築銀毋得擅改別用以協輿情仰館卽行縣取遵依繳報勒石縣門取碑刻繳蒙此隨行該地鄉

紳里老舉貢生員等人公看得北山二十七八九都地坐湖濱一望菱牧節被水患蒙前任巡撫都御史王本縣知縣錢軫念北山下澤之鄉屢經大浸擬將上下四段官河弛禁貼付該鄉聽民舉網無課隨該鄉紳里老議得四段官河歲入漁利過百金節係積慣豪民包認名爲課戶每歲止納官課數十金號召新建太子廟前交網秋前嚴爲厲禁至冬取魚深潭魚方蓄聚潭中交網絕流千人喧噪河水振盪獲若邱陵豪民網戶對半平分得利雖多私爭公訟靡有寧歲若一弛禁則北山一二小網之民無從投足別縣大網所過不留勢同竭澤且無豪民爲課戶掌禁

則秋冬不時下網魚皆驚散將尺鱗不登於市鮮食益艱此名爲利實爲害也莫若仍聽課戶禁掌而加增銀各卅兩寄封鄉老專爲本鄉修堤賑拯之需庶官課無虧水荒有備等因議上院道於是豪民包課之家復羣起呈告加課非便不知加課所以抑豪分賑所以濟衆北山受水之害自應得水之利未有長河大利反爲別鄉積豪侵擅者況本鄉大族豈無良民願輸若鄉紳當名義自愛誰肯逐鮑臭之餘不得藉口也於是院道縣斷然行之議加歲各三四十兩行已數年修理有賴窮鄉父老頌仁政不諉乃縉紳遠在官方豪復夤緣延捺動以三星在留爲詞銀雖

催而豪仍未輸見寄封者又爲猾胥應他事挪用蓋二十年來不可問矣幸崇正癸酉之歲本道潘職任水利擬爲北山建圩業經查勘奈功程浩大本地鄉紳熊樊俱在里居始將課餘緣繇備陳方行查覈緣建圩有待而暫支此銀一年修白沙隄及梓陂修圩事出公裁北山無靳而橋梁路堤之議起矣蓋北山四週皆支河巨湖五里外必問數津一經大水東北滙澤爲彭蠡積數月不見乾地小民罌粟不飽豈能握數錢飛渡出境市米穀有窘而枵死耳此橋梁路堤之興適遇本道潘公捐金發助之厚真百年一時也工程繁鉅而助銀止六十兩政需爲北山歲修之

用迺梓陂之鄉沿一年之假借遂欲矇爭爲彼地世有宜
北山之未肯平也今蒙本道再三議詳以見在三年專爲
北山橋堤之用以後則聽北山自承課戶仍自助修築銀
付鄉耆爲北山修建備荒誠爲妥便兩鄉允服感悅緣蒙
憲批勒碑縣門事理相應節畧緣繇備登堅珉用垂永久
等因到縣該本縣備查前後案卷無異擬合遵批鐫石須
至碑者

龍岐山 邑北百餘里在二十九都一名龍頭山婉轉如龍據
鄱陽南岸爲西河之委對八字腦舊有巡檢司今裁

角山 縣東北九十餘里在二十四五都其山多石石勢稜削

因名或作珏山

白崖山 縣東北百餘里在二十四五都其地近出紅石

石牛山 縣東北百餘里在二十四五都俗名牛頭山山北有
墩曰團墩

鳳嶺 邑東七里在七都與斲琴窩東西峙

斲琴嶺 邑東五里在七都相傳臧嘉猷嘗斲琴於此登眺之
餘衆山皆響

馬鞍嶺 邑東五十里在二十二都其形如馬鞍高峻

馬銀嶺 邑東五十里在二十二都與馬鞍嶺相連

師古嶺 邑東六十里在十八都十九都交界

雙乳嶺 邑東六十里週迴五里

鹿嘶嶺 邑東七十里

鐵山嶺 邑東七十里山石黑者如鐵

冶塘嶺 邑東南六十里在十九都又名野塘峽巨石若盤西五十步有泉利灌溉今隸東鄉縣

梅峯嶺 邑東南六十里在十九都相傳梅子貞爲尉時行縣憩息於此一呼禮梅嶺又名白雲峯今隸東鄉縣

雞公嶺 邑東南五十里在十三四都香爐峯右其頂尖峭名以象取云此三臺山之一

霧嶺 邑南百步許環迤如帶元元貞中邑令趙銓開爲通達

元貞府志作大德

盤賢嶺 邑南三里在一都朱子往泉州與呂伯恭盤桓於此故名俗呼饒家嶺有亭

高宗嶺 邑南四里在一都相傳宋高宗南渡時有宗室嬪御嘗駐此石勢如臥牛又呼石牛窩

禾嶺 邑南七里在一都上有伍員廟

志嶺 邑南二十里在三都上祀碧霞元君嶺半有龍井清泉馥郁雖大旱不涸相傳志公會卓錫於此因名

長歌嶺 邑南十里臧嘉猷與鄉人會燕遊於此

焚香嶺 邑南五十里高四十餘丈週迴可二十里相傳謚母

與陳萬二仙姑遊此

流嶺 邑西南十五里在二都有石焉泉流不竭又名鄭公嶺
漢樂府有石流夫山澤通氣海水歸墟地絡滲注山之最高
卽海之最下蒙泉固有溢於高峯之巔者豈獨華峯玉井瀾

嶽天池耶

聶志

仙鶴嶺 邑西南十里高二十丈廣十五里

走馬嶺 邑西二十里在二都近產煤炭

銅嶺 邑西二十里在二都上有巨石如銅

羅溪嶺 邑西三十里在三十五都半屬南昌上有巨石勢若

張羅因名山之麓有溪通鄱湖

望夫嶺 邑西三十五里在三十五都相傳昔有婦以夫戰鄱

湖登此望之遂化爲石其手碎竹葉後竹多片片碎

泉嶺 邑西四十里在三十七都高三十丈週廻十五里上有

流泉冬夏澄澈

護福觀係三十七都泉嶺舊志載本觀基地貳畝零八釐一

額山三十二畝七分一上田貳拾壹畝陸分四釐一中田柒

畝貳分陸釐一隨田塘叁畝壹分叁釐一草地肆畝陸分捌

釐大共官民米貳石陸斗陸升柒合成丁柒下以上皆萬厯

間令黃汝亨因廖玉侵山一案詳查舊志刻載壇石事記中

蓋曰疆界清明令後之守土者按故實而稽焉界址丁糧丈

尺犁然可憑他邑無與進賢爭此土也

聶志

玉嶺 邑西五十里在三十五都

帳幕嶺 邑西五十里在三十八都東迎鶴嶺西引狐峯勢如帳幕故名

潘公嶺 邑北二十里在上八都相傳潘大法真人曾修真於此

超岡嶺 邑北十五里在上八都縣署坐爲屏俯瞰溪水

北嶺 邑東北十里有巨石奇峭高五十丈綿亘五里

尋江嶺 邑東北十五里在十五都舊產鐵

斂足嶺 邑東北三十五里在十六都相傳昔有仙人於此斂

足而坐

仙壇峯 邑東七十里在十九都上有三仙壇禱雨輒應羅必元居近此今隸東鄉縣

南箕峯 邑東七十里在二十二都一名雄峯盤旋若箕中有石柱削立十餘丈柱旁有二石笋尖圓聳拔稍低於柱近柱有石塘深數丈傳云有小穴通海雖大雨其水立涸土人於塘內取石燒灰故又名石灰嶺柱上有三清廟下有法幢寺

南城峯 邑東七十里在二十二都舊傳夏侯勝王陵墓在焉有塘四時不涸上有掩軍祠祀張忠靖王皆雷氏祖塚每年祭賽必以雷氏爲主先致祭於其墓而後出神

華蓋峯

邑東十五里以似華蓋故名一云仙鶴峯

紫雲峯

邑東五十里在十三四都舊名紫霄峯形如甌蓋俗

因呼甌蓋嶺云此三臺山之一

香爐峯

邑東南五十里在十三四都狀如爐雨將作烟霧滃

然上有許旌陽祠云此三臺山之一

白狐峯

邑西五十里在三十八都一名白狐嶺上有袈裟巖

摩雲頂諸景相傳晉子畋禪師曝衣峯上里人卽石室祀之明

隆萬間卽址建菴僧人靈源斲石成徑以便往來

鶴仙峯

邑西六十里在三十八都高峯昂峙俯視衆山其山

脈從豐城招雲嶺來特起作勢聳爲奇觀

雙乳峯

邑東北二十里在上八都又云雙耳峯俗呼仙姑嶺

赤岡

邑東三十里在十六都土燥而多赤色

五龍岡

邑東七十里在二十三都軍山湖東周坊村南五支

分行若渴龍飲水

大歇岡

邑東八十里在二十三都下連小歇岡

捉牛岡

邑東二十里在十都

大嶺岡

邑南五里在五都今爲武試射圃

介岡

邑西五十里在三十八都與臨川縣抵界饒氏世居於

此

虎拜岡

邑北二十里在下八都明洪武初孝子包實夫遇虎

處

陳善虎拜岡記

包實夫瀘溪人也世業儒魯伯先生其父焉明經力學事親惟謹嘗以文行著於鄉故爲授業者所賓禮洪武九年館於邑之太常里是冬歸省而復之焉由故途至厚榭忽值一虎突其前實夫進退莫能避虎始而伏狀類拜者徐起銜其衣之左腋曳之行實夫隨其往至林莽中虎釋而蹲實夫亦對而踞乃語之曰爾虎也爾得毋啖吾肉殮於爾吾復何憾然吾二親俱七十餘汝能容吾畢其養乎吾肉苟可食終還於汝也虎乃起曳其衣裾復至故處舍而去嗟乎虎惡獸也何

人心之有惟知其父子之仁爾故人之遇虎鮮有得生者然獸之仁由人以感之況孝弟之至通乎神明實夫遇虎而不傷正色以待之豈非視生之如寄死之如歸歟抑孝弟之至而有神明祐之歟則物吾同與也孰無人心之謂哉余故傳其事以爲事親者勸

虎樓岡 邑北四十里九都東傍軍山湖西傍青嵐湖竹木青

葱

西赤岡 邑北二十五里在上八都上有赤岡菴

大石磯 邑東北三十里軍山湖側在十六都頂有巨石其磯

隨水消長相近十武有小石磯

鄔子砦 邑北一百二十里在二十四五都舊有巡檢司及驛丞今裁

南石坑 邑東三十五里在十六都俗名石坑昔產茶

海棠洞 邑東七十里臧嘉猷讀書處

畫洞 邑東七十里在十九都有雷度讀書菴今隸東鄉縣

北谷 邑東七十里在十九都羅必元隱居於此今隸東鄉縣

黃牛城 邑南五里

樟岸坪 邑東八十里在二十二都潭津市之南

龍馬坪 邑西五十里在三十五都宋德祐三年蒙古兵逼撫

州州將密佑逆戰於進賢坪進至龍馬坪力戰不屈爲敵所執

卽此故又名戰坪

三陽水 縣北六十里在二十六都以南陽洞陽武陽三水合

流故名諸水皆會於此又北經南昌東北界滙入鄱湖李瑄曰

進賢縣之水惟以鄱湖爲統會而水之經則曰三陽

金谿湖 縣北九十里三陽之下在二十四五都凡各湖入瑞

洪合彭蠡之味也

鄱陽湖 縣北一百一十里卽禹貢彭蠡是也隋以鄱陽山所

接故名鄱陽湖合受上流諸水周環數百里東至饒州府餘干

縣之康郎山西至新建縣首陂里北至南康府都昌縣南南至

進賢縣北山

日月湖 縣東北二十里在十五都一名洪源湖池陂諸水所
匯中有二小山東曰日西曰月水涸則分爲二漲則合爲一北
流入鄱湖中有石人灘譏云日月湖明良將出石人灘合狀元
生後明正德間舒文節芬果應之

軍山湖 縣北四十里在九都之東二十三都之西一曰南陽
湖延袤五十餘里有軍湖書院遺址縣境之水日月軍山二湖
最大而總歸於鄱陽湖

青嵐湖 縣西北四十里自下八都英山至二十六都神浦渡
長六十餘里一曰洞陽湖湖中有閃山孤嶮雲橫神靈之宅

按舊志云清溪南陽二水出於斯故亦名清南不知南陽卽

軍山湖與青嵐東西派別不得云出於斯且西北亦別無南
陽水也恐誤

白沙湖 縣西北八十里在三十都與南昌之大小沙湖相連
延袤二十餘里冬則多涸

陽方湖 縣東北七十里在十七都二十二都界內東北流經
瑞洪折西北入鄱陽湖

常湖 縣東一里在六都其水九曲故曰九曲水院澤優遊長
樂諸水所匯合通濟港西北流入青嵐湖

院澤水 縣東南五里源出榭山匯於臧溪灣旋九曲繞於學
前合通濟港流入青嵐湖

通志載北流入洪源湖誤

優遊源水 縣東五十餘里 府志載縣西六十里誤 在十一都源出榭山

下注臧溪復流與通濟橋水合西有泉井唐臧嘉猷所鑿

看源水 縣東七十里兩山之間在十九都其水亦從榭山發

源下與臧溪水相合出通濟橋俗呼漢源今隸東鄉

潤陂水 縣東七十里以戴叔倫係潤州人故名源出雄嵐峯

北流滙為陽方湖又東北入餘干縣界瑞洪鎮入鄱湖

按府志云進賢之水西北與撫河會以入湖惟潤陂湖徑歸

鄱陽

池陂港 縣東四十里亦名南陽水源出香爐峯東北流入洪

源湖又北滙於軍山湖入鄱陽湖

通濟港 縣東南源出香爐峯流經九曲遶縣治復迴折西北

流滙青嵐湖 府志載北流滙軍山湖誤

鍾陵港 縣東五十里源出師古嶺流經潤安渡入軍山湖

長樂港 縣南三十里在十二都亦名臧溪以臧嘉猷居此得

名源出榭山合優遊源水院澤水至縣東南入城又東折出城

繞城北入青嵐湖

羅溪港 縣西二十里在三十三都一名清溪源出流嶺北流

稍曲而西經羅麓又稍折而北至顧匡觜合東南自英山以來

之水入青嵐湖又北入南昌縣界為南湖

石峽源水 縣東七十里在十七都棲賢山側出金魚

岡前湖 邑北十里在上八都超岡嶺下水入青嵐湖

御遊灘 縣東六十里在二十二都鍾陵橋下相傳明太祖征

陳友諒兵至此傍有武功坪

迴龍洲 縣北四十里宋淳熙間居民得白龜於此獻之郡帥

呂師中圖其形縱之曰放生池

龍馬洲 縣北四十里在二十三都近軍山湖畔相傳三太子

得白馬於此

前洲 在縣治東啟和門內一名前芳洲傅大學士冠世居於此

星子洲 縣北二十里在一都

梓溪 縣北一百二十里在三十一二都舒文節芬世居於此

艾溪 縣西六十里在三十五都陳贊善棟世居於此

戟溪 縣西五十里在三十七都

雷溪 縣西五十里在三十七都邑人章一龍卜居於此

龍潭 縣東十里在六都龍安山妙巖寺西水泉清冽岸旁林木森然

萋蒿潭 縣北八十里在軍山湖中隄產萋蒿其水通臨川縣

之積煙山龍穴宋淳熙庚子旱舟人見五龍升降其間翼日乃雨

蓮花池 縣治西南少府橋右十餘步

放生池 縣治東五十餘步或曰旱塘上有亭土人相傳曾太監構今廢

幽槎池 縣東北八十里在二十六都醺口一曰坵口

墨池 縣東北四里在七都能仁寺傍相傳魏徵士讀書於此聞蛙聲以硯擲之至今水黑無蛙

泗水瀝 縣東六十里在二十二都鍾陵橋御遊灘南

第一泉今亭廢 縣治左義井乾隆五十五年庚戌知縣首永清構亭其上顏曰

縣頭門左義井 旱塘義井 狀元坊義井

龍王廟義井 忠武廟義井 霧嶺義井

稅課局義井 儒學塘義井 海智寺義井

優遊井 在崇真觀南唐臧家猷所鑿白玉蟾煉丹於此

龍坑井 縣南三里在一都相傳昔有龍潛伏其中一日雲霧

四塞雷電震驚龍自井騰空

聖井 在舊麻姑觀東乃包真人顯跡處每風月澄清之夕常

聞鐘磬步虛聲

麻姑井 在麻山石壇之下又名白暨泉府志作由暨內有仙跡在

焉

張姑井 在四都明心寺西水或五七年一湧

禪靜井 縣西十餘里在二都楓林山

大滿井 在七都鳳嶺下

陽和天井 在英山湖中相傳井水與積煙山通

丹井 縣北八十里在二十八都北山之鶴山靈陽觀側相傳

許旌陽大弟子勇悟真人施岑煉丹於此

園 附

歸仁鄉

雙塘

廣二畝

度山

廣四畝

南陽鋪

廣五畝

白石坑

廣三畝

左漸岡

廣四畝

院岡

廣六畝

太平上

廣五畝

北家坑

廣六畝

清窟

廣三畝

真隱鄉

方岡園

廣五畝

坎頭

廣三畝

竹家園

廣四畝

饒方坑

廣六畝

崇信鄉

池陂

廣三畝

黃橙

廣五畝

塘下

廣三畝

黃泥岡

廣三畝

饒方

廣五畝

李家坑

廣三畝

崇禮鄉

冷井

廣三畝

朱方

廣二畝

東湖岡

廣四畝

官山

廣三畝

北山

廣二畝

欽風鄉

楊方

廣四畝

澁塘

廣三畝

黃山觀

廣二畝

謝家坪

廣三畝

彭方

廣四畝

城岡

廣三畝

楊文岡

廣三畝

西石門

廣三畝

以上園名未詳所自存否今亦不可考但載舊志不敢湮沒

存其籍而已

蘇志

坊都

進賢縣領坊十三隅六鄉五

乾隆府志

縣城內十三坊

狀元坊

縣治南屏牆外

自縣治直至清政坊中分向左出巷口通義立坊屏牆前分右通仁行坊

縣門前分左通義立坊

明萬曆二十二年知縣毛一瓚改題

採訪冊

清政坊

縣治南百十步

北接狀元坊南通民和坊

明洪武初知縣梁璧立

民和坊

縣治東南

西南通仁行坊義井鋪北通清政坊東通折桂坊中分向右通賢行坊

明洪

武十三年知縣徐成美重立

賢行坊

縣治東

南通民和坊向東分枝折北過通濟橋至東門口止折南接折桂坊

宋景定間

立

折桂坊

縣治東

北接賢行坊南接大成坊中分向西南一通仁壽坊

明洪武二

十六年邑丞劉彥琛重立

大成坊

縣治東南

北接折桂坊南通萬石殿

明萬曆四十五年知縣沈景

初立

義立坊

縣治北

自北門口迤西至縣門前狀元坊中分向東北至青龍橋

仁義坊

縣治西

自西門口向東接仁行坊康王廟東通義立坊壇里向南通仁行坊

仁行坊

縣治西

西至文節祠右接仁義坊南通仁壽坊自明義井鋪分西南通太平坊分東通民和坊

洪武十八年知縣陳有常重立

仁壽坊

縣治東南

南接積善坊東通折桂坊中分向西北通仁行坊

明洪武二年知

縣梁璧重立

積善坊

縣治南

自南門口向東折仁壽坊中分向西一通田洽坊一通太平坊

明洪武十三

年知縣徐成美重立

太平坊

縣治南

西南接田洽坊東通仁行坊義井鋪中分向南通積善坊

田洽坊

縣治西南

南通積善坊北通仁行坊東通太平坊以上採訪冊

東隅

西隅

南隅

北隅

中隅

正隅

以上採訪冊

初制城內曰坊此六隅是也城外曰鄉而邑不另設其邑中之經途皆謂之街邑城之外謂之區區所轄為都聶志

按聶志載東隅賢行坊西隅仁行坊南隅積善坊北隅折桂坊中隅義立坊正隅民和坊舊名雲錦又名永安

歸仁鄉之區轄都九共七十有一圖

舊志七十六圖乾隆府志七都四十七圖

一都之圖七

聶志圖十二

邑西輯瑞白石陂義坊東山卓山濠里

高宗嶺等處

採訪冊

二都之圖六邑西南藍田雷公塘寶城樓下壠壠里黃鱗塘流嶺銅嶺查藍等處

三都之圖七

聶志圖四

邑南南陽鋪金山橋陂石門楓林寺等處

四都之圖六

聶志圖五

邑南麻山北榭鋪漸溪涼陂吳參上陳櫟

木櫃等處

五都之圖四

聶志圖六

邑東南壽山橋庫山雙溪彭源大陽殿老

關王廟等處

六都之圖七邑東南院澤常湖岱山北嶺鎮頭嶺城背湖東

嶺東等處

七都之圖七

聶志圖九

邑東北木橋東關白果樹斲琴凰嶺斗門板橋土橋燕窩蘆溪駝里洽里菜園西莊夾州窰里等處

八都之圖十八

聶志圖十七

邑東北上八都雙乳嶺坵溪侯城七里岡粉壁超岡嶺等處 邑北下八都英山蜀壠柏樹萬福

殿無思塘金家橋厚榭等處

九都之圖九邑北舍源泥湘中結渡藕塘梭渚趙家鋪荆林

嶺橋北坑等處

以上採訪冊

真隱鄉之區轄都四共三十有七圖

舊志三十五圖乾隆府志五都四十五圖

十都之圖十

聶志圖九

邑東捉牛岡南頭篠塘灌塘河湖橋茶溪

小田鴈塘濠上等處

十一都之圖七邑南木架墟謝坊方家巷河源嚴家橋花園等處

十二都之圖十

聶志圖七

邑東南榭山王家巷貫坑衙前臧溪等處

十三四都之圖十

聶志圖十二

邑東西灣常源秧塘白富洛港桐源向家嶺徐橋島溪葛溪等處 以上採訪冊

崇信鄉之區轄都六共六十圖

舊志都九四十七圖乾隆府志都五四十五圖

十五都之圖九

聶志圖七

邑東北洪源羅石礮頭馬山傳溪背烏嵐南陽池溪橋銅斗前房等處

十六都之圖十二聶志圖七邑東北赤岡廻龍溪南臺路白土嶺

口三位黃槎長坊羅溝嘴西村齊坊渡頭芝山岡上等處

十七都之圖九聶志圖五邑東潤溪羅盤草岡衙前等處

十八都之圖六聶志圖五邑東湧橋路東雙溪棗木橋等處

二十二都之圖十二聶志圖十一邑東北鍾陵橋譚源潭津田南

南山龍泉溪北河潤安渡壩上巷里車溪鹿塘青山厚源墪

坪圩第二塘陽坊嘴西湖嘴黃岡向溪蔡坊美厚東塘等處

二十三都之圖十二邑北焦浦橫坑金坑周坊爵塘瑤溪社

公山高塘官溪鄒坊鵠源山背花園梅莊孟坊陶坊磚窰岡

大傑岡古塘武塹禮山等處以上採訪冊

內割十九都二十都二十一都田地四百五十七頃入東

鄉縣明正德間東鄉華林瑪瑙盜發朝命左都御史陳金

總制戎務右副都御史俞諫提督檄田州狼兵討平之金

乃奏立東鄉縣聶志

按江西通志陳金傳正德間東鄉姚源華林大帽山盜起

金調廣西兵以次削平卽東鄉立縣並立萬年縣招降人

居之明史紀事云正德八年六月總制江西都御史俞諫

平姚源賊奏立東鄉萬年二縣二說不符

崇禮鄉之區轄都七共三十有一圖舊志三十圖乾隆府志都八共四十八圖

二十四五都之圖四邑北莊上醮口角山白崖大郁小郁辜

家墻官塘寨鄔子等處

二十六都之圖五聶志圖四 邑北神浦三陽倪坊醮口熊家嶺等處

二十七都之圖五 邑北北山畚上龍岐青山山頭禮坊前後

坊渡頭等處

二十八都之圖四聶志圖五 邑北北山田西遠門東家北家興貞

觀大湖山等處

二十九都之圖四聶志圖三 邑北北山龍山八字腦啄觜頭東西

陶等處

三十都之圖五聶志圖七 邑北涇口白沙汗溪玉湖乾封陽坊篁

山等處

三十一二都之圖四聶志圖二 邑北梓溪港頭安泰等處以上採訪冊

欽風鄉之區轄都六共三十有二圖舊志三十圖乾隆府志都八共四十三圖

三十三都之圖七聶志圖五 邑西羅溪舊居新居谷岐水閣三房

寺下倉下西滄塘內章岡等處

三十四都之圖四 邑西倫田井樓左裏竹管溪北頭橋頭塘

角上嶺北柳范牛車頭高橋寺等處

三十五都之圖七聶志圖六 邑西玉嶺架橋艾溪翰城彭家橋河

頭嶺北黃泥壠段城前後會等處

三十六都之圖四 邑西土坊彭宗源湖榮坊等處

三十七都之圖六聶志圖五邑西泉嶺雷溪大塘岡烏魚壠塘溪

瓦溪望東羅坊等處

三十八都之圖四聶志圖六邑西介岡朱坊雲山雷岡等處以上採訪

冊

金廷璧記明初制十一戶為一甲百一十戶為一里推丁糧多者長焉甲一人遞克公家之役甚均平也歲久民有消長田有增損而牧民君子或未加意編甲之時吏胥飛詭遂有共甲而隔數里一家而分數圖者米丁多寡不同而官府僉役只照圖派甘苦竟懸絕矣倘當事以細心審平使圖甲無參差而編戶俱得附便徵輸勾攝上下不有

兩利者乎

街市

縣城中街市

中大街

東顏街

太平巷街

南長街

後街

霧嶺街

少府橋街

花巷口街

學前街

道前街

馬家巷街

蘇家角街

河門街

中洲街

前洲街

按察司前街

啟和門外

東門口市

在七都附城

禾丫口市

在七都距縣半里

東關街 在七都距縣一里舊立有關今圯

捉牛岡市 在十都距縣二十里

池溪橋市 在十五都李丕立距縣四十里

南陽市 在十五都距縣五十里今廢

南臺市 在十六都距縣四十里

潤溪市 在十七都距縣八十里舊有潤溪司巡檢今裁

楊橋市 在十九都一名水北橋今隸東鄉縣

鍾陵橋市 在二十二都距縣六十里

潭津市 在二十二都距縣八十里

梅莊市 在二十三都距縣六十里梅莊司巡檢駐此

拱極門外

後洲街 在七都附城隔水

七里岡市 在上八都距縣十五里舊在白莊積後移改今處

舍源市 在九都距縣二十五里

趙家鋪市 在九都距縣四十里

三陽市 在二十六都距縣五十里

涇口新墟市 在三十都距縣七十里

迎恩門外

羅溪市 在三十三都距縣三十里

玉嶺市 在三十五都距縣五十里今僅歇店三間

土坊市

在三十六都距縣六十里舊有土坊驛裁市亦廢

黃茅岡市

在三十八都距縣六十里

田洽門外

張公墟市

在二都距縣二十里

水西門外

白家墟市

在三都距縣二十里

文明門外

木架墟市

在十一都距縣三十里

下埠墟市

在十二都又名王家巷距縣三十里

以上採訪冊

風俗

講習爲業士尚氣節

晉志

衣冠萃止代有文物

三朝史

風土爽塏山川特秀人食魚稻多尚黃老佛清淨之教重於隱

遜蓋洪崖先生徐孺子之遺風

宋雷次宗記

處士有巖穴之雍容文章有江山之秀發樂鬪而輕死穢鬼而

尊巫

黃庭堅賦

邑於山溪之間俗尚簡淡懷氣節而恥流於偷薄故治易達而

習不移昔魏徵士臧隱君居之二君子植節高蹈流風遺韻百

世不泯故其人之生也積習清介多深居不市文章道德光華

煥爛有不可掩者

元熊鈞序

深山大澤之間民多樸魯或終身抱道未嘗一至城郭者或作
為文章匿而不彰者或操觚秉翰顯於臺閣者大抵所好不同
兩漢循吏鑄頑為仁是又在上之人鼓舞而振興之何如耳

元志

士解經傳雅學積文而真知實踐者亦屢屢有之俗尚清雅崇

儒好客村落細民皆勤於稼穡敏於役作秉尊上孝弟之心然

尚氣太過小忿輒至鬪訟

元丁之翰圖經

進賢之名以賢豈縣之人盡賢哉惟縣耳土多黃壤爭沃關中

可畊其浸沿漢東北流潑洄達宮亭其南陸走商惟販夫可居

其利惟鴈子多水陸產麥麻瓜茶楂梨李杜菰蒲魚鼈家可給

其隰衍北山梓溪夷曠瀧涿可牧可漁其人安於土不遷於物

控伺顯蒙儉約有恥抑畏矜禮噩然藏王道於數百里內雖謂

縣之人盡賢可也又得梅魏羣英清修約行之倡故獻霽哲撫

前後若水火不絕濟濟然與世張且椽棧布光寵於隄乘雖兼

總江東西士未之或多則是縣有賢之名也固宜

明舒芬慎齋序

南新豐進厚於絃誦薄於蓋藏

明萬恭撰記

靈秀攸鍾人賢代有

舊志

民率忠樸士高節概風候近馴金矢鮮入

前志

公庭金矢進靖最鮮

府志

禮義之俗不因時變學者率以重吏輕儒為恥

明宏治志

風俗之道固與時汗隆大都前所載者近是郡物土瘠而文學

饒加以澹臺倡其教徐孺子厲其節二范導其風以故士矜義
 概人絕浮華蓋有齊魯唐魏之遺焉縉紳先生競自標置恥謁
 有司間左無大豪市井無遊食第挾莢操技而精五方者所居
 成市 節府志

其農勤稼穡務儲積然高田多依山土石相半水出石罅中性
 冷而善凝灌溉為難卑田多濱江湖隄防是賴雨暘稍愆即厯
 偏隅旱澇之憂故或終歲勤劬不能克贍家口山農則多事樵
 採澤農則兼資網罟以補不足 府志

總一郡之敝俗尚氣喜爭好巫溺女葬惑堪輿贅傭易去其主
 日摻牒詣官者大率皆邱隴逋逃之事邇者遊間貴介服食華

靡爭儼於三吳而寢忘其先進之故識者蓋重憂之夫陶之以
 禮讓明之以好惡長民者之責也 府志

其婚姻重門楣輕財貨娶日壻不親迎婦及里門壻先詣轎所
 攜簪插婦鬢旋取婦簪自插謂之換簪 府志

其喪葬父母歿親族皆至殮日設飯謂之關風飯喪之七夕其
 前夕舉家哭門外謂之接七設酒食祭奠餘七亦如之凡新喪
 行草弔葬日行大弔惟俗信地師家言圖穴選方拘忌時日重
 富貴之思昧仁孝之義即一二士大夫家力矯其敝終莫為之
 家喻而戶曉也 府志

其歲時元旦各村公置譜餅照竈丁分給年自六十以上遞增

採訪冊

壽餅以示尊崇自童生生員以上遞增考餅以為鼓勵
 燃炬出行戚友遇於途則交拜人日俗稱上七早食羹湯畢各
 就恒業諺曰喫了上七羹大人小子務營生元夕鄉間設板燈
 其制象龍頭龍尾貫於板板置燈數籠節節相承共成一板農
 人驗燈色以占歲閏歲正月扮童女為傳奇名臺閣昇行城鄉
 又多扮鐵拐李持酒葫蘆遇人輒飲之前列旗蓋從金鼓謂之
 迎閏清明日重拜掃禮各治酒食祀於先塋五月五日為龍舟
 競渡傳葩伐鼓以爭先為勝六月早稻熟擇辛日作新米飯先
 薦祖考然後合家食之名曰食新七月中元各備牲醴楮帛祭
 其先姻戚家有喪事者雖送葬後遇中元前數日亦各具酒食
 楮幣往祭其靈元旦後數日亦然九月市重陽糕多插五色楮
 旗冬至日合族共祀於宗祠歲將終擇日治酒曰團年座無姻
 戚女嫁者來歸亦禁不入席除夕置火忌客

物產

稻之屬

北風占 高田則赤 低田則白 百二十日占 又名 大占 百日占 九十日占

大生占 八月 熟 背塘占 米近 糯 晚赤占 柳占 米赤 無毛

土黃占 米白 通山占 米赤 無名占 米赤 毛占 米白

麻占 米白 白米秋占 米白 救饑占 五十日 熟 洞占 米青 白

以上名占者宋大中祥符間其種自占城國運至也 聶志

團草早

尖穀早

一坵水

五十日早

南早

七十日早

由風早

百日早

見秋早

陝西早

劉陽早

黃瓜早

皆早禾

香南早

洗耙早

四節早

梳杆早

獨不什

朝仙早

淮西早

香粘

米長三四分

柳條糯

百日糯

鐵糯

赤粒糯

油麻糯

稚子糯

芒鬚糯

寒秬

金絲糯

赤脚秬

重陽糯

紅殼糯

寒糯

麥之屬

大麥

小麥

莠麥

鴈爪麥

米麥

無殼大麥

苦蕎麥

二月種五六月收取粉作餅要一順手如逆則苦不可食作燒酒良

粟之屬

占粟

米硬

蘆粟 鴈爪粟 狗尾粟

穗小

芒槌粟

穗長大

千鍾粟

粒如莧子

菽之屬

黃豆

黑豆

小者夏熟入藥補腎大者秋熟性寒損人

赤豆

入藥利心經俗醫誤用半赤半黑者乃相思子

羊眼豆

田豆

扁豆

一名蛾眉豆

虎爪豆

青皮豆

花豆

豌豆

刀豆

蠶豆

褐豆

綠豆

飯豆

一名白豆

大豌豆

冬種

白馬豆

硬岡豆 紅色居多英必雙生名羅裙帶

荷包豆 蔓生子似荷包黑色白紋

進賢之豆有三美季夏之初即出俗名六月報其實圓小而味甘白眼者極佳廣信造紙者必資以和竹楮蘇杭織房必資以滑經其次取油味與色勝他豆而其枯餅獨重肥田極宜稻故江南人趨收取之乃村市反貴白豆以其粒大也浙中人謂白豆寒有毒不以食但用澤田 聶志
閒閩府志獨進邑地糧最多核之乃半為豆地半為草地也草以肥田耳遠人獲之直至賤不知當日何以有糧且地之熟者賦易取盈然所入亦鮮一年不畊即與草踞之矣地鄉之農四季獨勤苦不得少休唐儉邠勤吁可憫哉 聶志

臬之屬

脂麻 有黃白黑三種

蔬之屬

葵 俗呼滑菜有紫莖白莖二種

箭筍白 即油菜摘心為菜子可榨油

蒜 大者為胡小者為蒜截去兩頭吞之治瘧癘

芥 多種子隔年者粹

菘 有春菘秋菘二種即今白菜子作油傳頭長髮

蔥

韭 子根皆可種剪不宜日中

薤 俗呼薤子有野薤生麥原中葉小味益辛

薺 三種一白一花者一地上生者名香班花白一田上生者名田班花黃俗呼地英菜

菑 俗呼老鴉蒜

菘菜 即話

胡荽 俗呼荳荽

薑 新芽曰子薑因尖色紫又曰紫薑

莧 有紫白赤數種又有冬莧菜葉似馬蹄

陸 俗呼馬齒莧

苜蓿 有青紫白三色長圓二種能理足凍瘡

苦菜 即茶俗呼鷺兒菜又名野苦蕒

蓴 即茆水葵也

芹 有早芹紫芹水芹三種

蕨 二三月採可食根即黑狗脊

薇 味苦

苜蓿 二月生苗秋後結實俗呼水粟

蔓菁 今謂之臺菜四時皆有子作油燈甚明

苦蕒 即芑有尖葉花葉二種

蒼蓬

紫蘇

菠稜 一名波菜

蕹菜 葉似落葵而小即燕菜治野葛毒

胡蘿蔔 能制麪毒

蘆菔 俗呼蘿蔔有葉食根食二種

芋 大者曰芋頭小者曰芋嫻有水旱二種

萹苳 四月抽莖剝去皮曰萹苳又有白紫苦苳

百合芋 八月種

薯蕷 即山藥

甘藷 味同薯蕷有紫白二種

地蕷 今呼土菌

鹿角菜

黃花菜 即山萱草

牛角演

筍 多種類

鷺料菜 以上三種俱野菜可食

老鼠藤

蕨之屬

壺蘆 形圓

瓠 形長味苦有線瓠田瓠葉瓠多種惟藥瓠味甘

匏 短頸大腹味苦

苦瓜

絲瓜 俗名紡線

王瓜 即土瓜

黃瓜

蓇瓜 皮有青白二色

白瓜 形類絲瓜色白

南瓜 黃色一名金瓜

北瓜 青色似南瓜

冬瓜 最大

子瓜

西瓜 出鄔子者佳

雪瓜

甜瓜 俗呼枕頭瓜

菓之屬

桃

李

杏

栗

梅子

楊梅 有紅白紫三色

櫻桃 即合桃

棗 色白為楓棘紫黑為羊棗

林檎 俗名花紅大者名沙果

梨

柰 有青白赤三色 栗 小者名茅栗

柑

橘

橙

柚 一名條

香櫞

枇杷

柿子

金橘

橄欖 一名課果

無花果

榛子

榧子

山查

海梧子

梧桐子

橡栗 俗名櫟子帶有斗可染皂

楮子 似櫟畧大

楮子 小者為楮珠大者為苦珠

甘蔗 汁可煎作糖

落花生

蓮子 有赤白二種

藕 白蓮者佳

芡實 其花向日性暖

菱芡 兩角曰菱四角曰芡其花背日性寒

葶薺 一名烏芋野生者小而香

銀杏 俗呼白菓

石榴 花紅

木瓜

葡萄

金線葡萄

藥之屬

烏藥

梔子 出小天台者佳

紫蘇

薄荷

牽牛

葶薺

苦蕒 即瓜

青箱子

半夏

香薷

元參

草決明

何首烏

三稜

旋復花

白薇

澤蘭

土地黃

土牛膝

麥門冬

天門冬

藁本

茴香

獨活 俗名土當歸

兔絲子

葶麻子

蒼耳

蛇床子

益母草 野大黃 甘菊花 蕙苡仁 艾葉 前胡

香附子 威靈仙 天南星 菖蒲 乾葛 苦參

覆盆子 早蓮草 蒲公英 夏枯草 黃精 稀莨

馬兜鈴 根即青木香 金銀花 穀精草 茱萸 枳實

枳殼 桃仁 地骨皮 桑白皮 杏仁 青皮

羊蹄根 即馬蘭 桑甚 金櫻子 鉤藤 山楂

白扁豆 青木香 五加皮 石櫛 楓香 桔梗

紫河車 紫白二種又名金線重樓 草豆蔻 白頭翁 松花粉 茯苓

土蒼朮 土茯苓 側柏葉 款冬花 槐實 柏仁

使君子 女貞子 密蒙花 山茱萸 花椒 蓼花

酸棗仁 其樹即楓棘 佛耳草 淡竹根 荆芥 蘆粟根

竹茹 烏梅 木瓜 竹瀝 用水佳 黃蘗 百合 紅白二種

石榴皮 急性子 矮荷 大楓子 扁竹根 尋風藤

鹿茸草 虎耳草 芫花

木之屬

松 一種名羅漢松有實結者 柏 有結實不結實二種 櫟 即豫也

樟 即章也能淡酒木切片煎汁為樟腦豫章二木生七年乃可辨 桂 檜 柏葉松身俗名刺柏

椿 葉嫩時香甘可茹 檀 黃者最香 槐 檜 有泡桐油桐

檉 即河柳一名三眠 杞 梨 桐 有泡桐油桐

桑 柘 葉亦可飼蠶 楓 鷓鴣 似楓而葉小

進賢縣志 卷二 輿地 三

楊白楊葉圓青楊葉長

柳

楸

榆白粉也歲荒皮可食

樞今刺

梓

楸有角楸柳楸分雌雄與梓本同末異

栩即梓木其實謂之椽

樗俗呼臭椿

棟結實如鈴

冬青一名萬年枝俗名凍青

楮其實可作粉

楮即穀桑皮可作布又可為紙

黃楊

杉

柯

棘即楓棘其實謂之棗

黃荆可取竹憑其葉可驅蚊

烏白子可榨油今俗呼為子樹

欒即栝欄可作草花黃結實如房作魚子狀

紫金椰

皮珠樹子即肥皂可去油

佛珠樹出棲賢山金剛寺又名木難即菩提樹

水槐

女貞俗呼蠟樹

桐材可作車

丹青樹

枸似白楊其子甘美可食八月熟亦名木密其木近酒能薄酒味

穀樹皮白無花汁可寫字貼金

練樹

竹之屬

猫竹有早晚黃綠四種舊載絲可制器誤制器者乃水竹

白眼竹次水竹

水竹

苦竹

金竹

淡竹

莖竹又名倭竹此竹獨安南以為刃殺人立死本地差善耳食筍發病

篁竹

紫竹

實竹無竅一名桃竹

箬竹

鳳尾竹

慈孝竹又名子母竹

百葉竹又名筭竹有毒刺虎豹即斃

觀音竹

桃枝竹可為席

筍竹有節皆刺

天竹一名南天竹

花之屬

梅花

蘭多種類山蘭更香

蕙

瑞香

山茶 數種寶珠茶佳

金鳳 卽鳳仙

木樨

海棠 垂絲者佳

月季 俗呼月月紅

茶藨 一名木香

秋海棠

杏花

芙蓉 卽荷花別名芙蓉

木芙蓉 一名木蓮一名拒霜花

梨花

山礬 一名七里香

梔子 一名薝蔔結子可染黃

玉簪

水仙 單瓣者名水仙又名金盞銀臺千瓣者名玉玲瓏

玉蘭

滴滴金 一名旋覆花

杜鵑 一名映山紅

木蘭

石榴 有千葉者不結實

木槿 紅白二色有千葉者

桃

菊

紫荊

凌霄

篇竹

繡毬

雞冠

牡丹

石竹

紫薇

夜落金錢

葵 多種類

萱 有黃白紅紫麝香重葉單葉數種惟黃如蜜色者清香可食

觀音蓮

水海棠

木牡丹

夾竹桃

合歡 一名夜合

罌粟 一名御米

蠟梅

珍珠蘭 卽魚子蘭

茉莉

芍藥

玫瑰

羊躑躅 一名鬧羊花俗名腦痛花蕊瓣皆黃大毒

草之屬

芋

葛

艾

藍

芝

莎

苔

茜 有二種染藥

藻

苕

蓼

蒿

莢

藤

菰 實爲雕胡

左纏藤 卽金銀花

茗 可爲帝

蘆荻

佛指甲

鴈來紅

馬鞭草

接骨草

鳳尾

龍茅

半邊蓮

棚棚子

能稔歲亦可造粉

龍膽

龍鬚

酸心

可洗假銀

野燈心草

見風消

愈毒

薛荔

生牆香可玩

鶴頂珠

愈瘡

扛板歸

愈瘡

半邊銅錢

可烏鬚

千里光

可洗瘡出捉牛岡

魚腥草

此草和魚水洒牆壁沾處即生

蚊草

葉上有包開有蚊出

羽之屬

雞

鴨

鵝

鴿

以上家產

鶴

鸛

雀

黃雀

燕

雁

鷗

鷺

鷓鴣

鷓鴣

鴛鴦

田雞

鷹

鷓

鳧

俗名水鴨

天鵝

鴉

畫眉

鶺鴒

烏

鵲

鵲

俗名八哥

翠鳥

竹雞

子規

雉

俗呼野雞

練雀

隼

戴勝

布穀

鳴梟

魚尾鳥

魚鷹

鷓鴣

帽鷹

靈鵲

靠天

飛極高

秤駝鳥

能沒水取魚

白頭翁

反舌

黃鸝

毛之屬

牛

羊

犬

猪

馬

騾

驢

貓 以上家產

虎

豹

熊

麋

鹿

麂

豺

狼

棉花

紅石出白崖山

木炭

黃蠟

麻油

菜油

皮油

沙糖

烟葉

